

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1). alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-1061-2/18 od 23.08.2018. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne Srebrene br.7, registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa v.d. Direktor Mr. Zijad Memišević (u daljem tekstu: Ugovarač osiguranja)

i

2. **„GRAWE OSIGURANJE“ d.d. Sarajevo**, ul. Trg solidarnosti br. 2, registrovan kod Općinskog suda u Sarajevu, matični broj subjekta upisa: 65-02-0004-10 (stari broj 1-21219), identifikacijski broj kod Porezne uprave FBiH Kantonalni ured Sarajevo 4200486200000, koga zastupa Uprava društva (u daljem tekstu: Osiguravatelj)

dana 23.08.2018. godine, u Sarajevu, zaključuju:

UGOVOR O KOLEKTIVNOM OSIGURANJU ZAPOSLENIKA KANTONALNE JAVNE USTANOVE „GERONTOLOŠKI CENTAR“ SARAJEVO

OPĆE ODREDBE

Član 1.

Ovim Ugovorom regulišu se međusobna prava i obaveze Ugovarača osiguranja sa jedne strane i Osiguravatelja sa druge strane, u vezi sa kolektivnim osiguranjem zaposlenika Ugovarača osiguranja, kao osiguranika i korisnika osiguranja od posljedica nesretnog slučaja i smrti usljed bolesti, a sve prema zahtjevima Ugovarača osiguranja, kao Ugovornog organa broj: 12-1061-1/18 od 06.08.2018. godine i Ponudi Osiguravatelja, broj: 21688/18 4008498 od 08.08.2018. godine, koji čine sastavni dio ovog Ugovora.

Član 2.

Osiguravatelj se obavezuje zaposlenicima Ugovarača osiguranja, kao osiguranicima i korisnicima osiguranja, isplatiti ugovorenu sumu osiguranja za slučaj nastanka osiguranog slučaja, a Ugovarač osiguranja se obavezuje Osiguravatelju platiti ugovorenu premiju kolektivnog osiguranja.

Član 3.

- (1) Osiguranik: Zaposlenik Ugovarača osiguranja.
- (2) Korisnik osiguranja: Prema Općim uvjetima za osiguranje lica od posljedica nesretnog slučaja i Posebnim uvjetima kolektivnog osiguranje lica od posljedica nesretnog slučaja propisanim od strane Osiguravača.
- (3) Osigurani slučaj: Svaki iznenađni, nepredviđen i od volje osiguranika nezavisni događaj koji se desi pri vršenju i izvan vršenja redovnog zanimanja (24 sata), a ima za posledicu osiguranikovu smrt, potpuni ili djelimični invaliditet usljed nastalog nesretnog slučaja nezgode.

PREDMET UGOVORA

• Član 4.

Predmet ovog Ugovora je kolektivno osiguranje zaposlenika Ugovarača osiguranja od posljedica nesretnog slučaja i smrti usljed bolesti 24 sata dnevno od svih okolnosti i rizika nastalih u radnom vremenu i van radnog vremena, uključujući i vrijeme na putu od kuće do radnog mjesta i obratno, kao i slobodno radno vrijeme svaki dan (radni dan, vikend i praznici).

Član 5.

Po ovom Ugovoru kolektivno osiguranje zaposlenika Ugovarača osiguranja od posljedica nesretnog slučaja i smrti usljed bolesti osigurat će se prema Općim i Posebnim uvjetima za kolektivno osiguranje osoba od posljedica nesretnog slučaja i smrti usljed bolesti propisanim od strane Osiguravatelja.

Član 6.

(1) Osiguranici po ovom Ugovoru su zaposlenici Ugovarača osiguranja, ukupno 107 zaposlenika.

(2) Ugovorne strane su saglasne da prema riziku opasnosti koje zaposlenici Ugovarača osiguranja obavljaju u okviru radnih mjesta, premija osiguranja prema razredima opasnosti iznosi:

- a) I razred opasnosti – premija osiguranja iznosi 1,44 KM po zaposleniku mjesečno,
- b) II razred opasnosti – premija osiguranja iznosi 2,04 KM po zaposleniku mjesečno.

Član 7.

Ugovorne strane su saglasne da osigurane sume za osigurane slučajeve po polici osiguranja za zaposlenike Ugovarača osiguranja prema razredima opasnosti i premija osiguranja iznose:

1. I razred opasnosti	Osiguravajuće pokriće	Osigurana suma
	Smrt usljed nezgode	2.933,75KM
	Smrt usljed bolesti	977,92 KM
	Trajni invaliditet	17.602,47 KM
2. II razred opasnosti	Osiguravajuće pokriće	Osigurana suma
	Smrt usljed nezgode	2.933,75KM
	Smrt usljed bolesti	977,92 KM
	Trajni invaliditet	17.602,47 KM

Član 8.

(1) Ukoliko za vrijeme trajanja ugovora o osiguranju dođe do povećanja, odnosno smanjenja broja zaposlenika Ugovarača osiguranja, ugovorne strane su saglasne da se kolektivno osiguranje obezbijedi pod istim uslovima za veći ili manji broj zaposlenika.

(2) Sve promjene koje se odnose na broj i imena zaposlenika, Ugovarač osiguranja se obavezuje prijaviti Osiguravatelju pismenim putem najkasnije u roku od 7 dana od dana prijema zaposlenika u radni odnos ili od dana prestanka radnog odnosa.

(3) Usaglašavanje spiskova zaposlenika-osiguranika će se vršiti prema potrebi.

(4) U slučaju da Ugovarač osiguranja pravovremeno ne dostavi dokaz o tome da je zaposlenik bio zaposlen u vrijeme nastanka osiguranog slučaja Osiguravatelj će prihvatiti kao validan dokument kopiju prijave na obavezno osiguranje kod Porezne uprave Federacije BiH.

VRIJEDNOST UGOVORA, NAČIN I ROKOVI PLAĆANJA

Član 9.

Na osnovu dostavljenog spiska zaposlenika Ugovarača osiguranja i radnih mjesta koje zaposlenici obavljaju, u skladu sa mjesečnom premijom osiguranja iz člana 6. ovog Ugovora, ugovorne strane saglasno utvrđuju da ukupna premija kolektivnog osiguranja za 107 zaposlenika iznosi **217,70 KM mjesečno**, odnosno za period od 1 godine iznosi **ukupno 2.611,70 KM** (slovima: Dvije hiljade šeststotinajedanaest i 70/100 konvertibilnih maraka).

Član 10.

(1) Ugovarač osiguranja se obavezuje da će ugovoreni iznos premije kolektivnog osiguranja zaposlenika plaćati Osiguravatelju mjesečno za ukupan broj zaposlenika.

(2) Ugovorne strane su saglasne da Ugovarač osiguranja plaćanje prve premije kolektivnog osiguranja izvrši odmah, odnosno sa danom zaključenja ovog Ugovora, a da plaćanje ostalih mjesečnih premija osiguranja izvrši u roku od 7 (sedam) dana po ispostavljenj fakturi.

(3) Plaćanje će se izvršiti na račun Osiguravatelja broj: 1610000004880081, kod Raiffeisen Bank d.d. Sarajevo.

Član 11.

(1) U slučaju neredovnog plaćanja premije osiguranja, kolektivno osiguranje se prekida 30-og dana nakon obavijesti odnosno, opomene Osiguravatelja o neplaćenj premiji osiguranja (član 913. stav 3. ZOO).

(2) Svi nesretni slučajevi nastali 30-og dana od opomene Osiguravatelja ne padaju na teret Osiguravatelja i isti nema obavezu plaćanja naknade štete, ali ne prije isteka 30 dana od dana dospelosti premije.

Član 12.

(1) Ovaj Ugovor se zaključuje na period od 1 jedne godine i to od 01.09.2018. godine do 01.09.2019. godine.

(2) Osiguravatelj se obavezuje da iznos mjesečnih premija osiguranja iz člana 6. neće mijenjati u periodu za koji se zaključuje ovaj Ugovor.

(3) Ukoliko Osiguravatelj izmijeni Posebne uvjete za kolektivno osiguranje osoba od posljedica nesretnog slučaja, dužan je o tome pismeno obavijestiti Ugovarača osiguranja najkasnije u roku od 7 dana od dana nastanka promjene.

USLOVI OSIGURANJA

Član 13.

Sastavni dio ovog ugovora čine:

- Police osiguranja,
- Spisak zaposlenika-osiguranika,
- Opći uvjeti za osiguranje lica od posljedica nesretnog slučaja,
- Posebni uvjeti kolektivnog osiguranja lica od posljedica nesretnog slučaja.

Član 14.

Obim pokrića utvrđuje se u skladu sa Uvjetima osiguranja.

RJEŠAVANJE ZAHTJEVA I ISPLATA NAKNADE

• Član 15.

(1) Ugovorne strane su saglasne da se svaki osigurani slučaj mora prijaviti najkasnije u roku od 3 dana od dana nastanka osiguranog slučaja.

(2) Po prijavi nastanka osiguranog slučaja Osiguravatelj je obavezan pristupiti rješavanju zahtjeva osiguranika po odredbama Općih uvjeta i Posebnih uvjeta Osiguravatelja za kolektivno osiguranje osoba od posljedica nesretnog slučaja i smrti usljed bolesti.

Član 16.

Osiguravatelj se obavezuje da će u skladu sa odredbama Uvjeta za kolektivno osiguranje osiguraniku – korisniku osiguranja isplatiti naknadu iz osiguranja u visini:

- Osiguranu sumu za slučaj smrti usljed nezgode, ukoliko je usljed nezgode nastupila smrt osiguranika,
- Osiguranu sumu za smrt usljed bolesti, odnosno 50% ugovorene sume ako je smrt nastupila prije isteka roka od 6 mjeseci od početka osiguranja,
- Osiguranu sumu za slučaj invaliditeta ukoliko je usljed nezgode nastupio potpuni (100%) invaliditet osiguranika,
- Postotak osigurane sume za invaliditet koji odgovara postotku djelimičnog invaliditeta, ako je kod osiguranika zbog nesretnog slučaja - nezgode nastupio djelimični invaliditet.

ZAVRŠNE ODREDBE

Član 17.

Ugovorne strane se obavezuju da obavijeste drugu ugovornu stranu o svim statusnim promjenama, dostavljanjem odgovarajuće dokumentacije u roku od osam dana od dana upisa u nadležni registar.

Član 18.

Za sve odnose koji nisu regulisani ovim Ugovorom, primjenjivaće se Zakon o obligacionim odnosima.

Član 19.

Ugovorne strane se obavezuju na pridržavanje zakonskih i podzakonskih propisa, čuvanja poslovne tajnosti, pridržavanja poslovnih običaja, te zaštitu ličnih podataka zaposlenika Ugovarača osiguranja.

Član 20.

Izmjene i dopune ovog Ugovora, osim suštinskih elemenata koji se odnose na iznos premije, iznos osigurane sume i period trajanja, mogu se vršiti u pismenoj formi, uz saglasnost ugovornih strana.

Član 21.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Ovaj Ugovor se smatra raskinutim prijemom pismenog obavještenja o raskidu istog.

• **Član 22.**

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 23.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.



Broj: 23443/18

Datum: 27.08.2018.



Broj: 12-1061-3/18.

Datum: 23.08.2018. godine

FA

Kalima
Repa